

## बानर बांको रे लंका नगरी में

बानर बांको रे, लंका नगरी में,  
मच गयो हाको रे, बानर बांको रे,  
बानर बांको रे, लंका नगरी में,  
मच गयो हाको रे, बानर बांको रे .....

मात सिया यूं बोली रे बेटा,  
फल खाई तू पाको रे,  
इतने माही कूद्या हनुमत,  
मार फदाको रे, बानर बांको रे.....

रुख उखाड़ पटक धरणी पर,  
भोग लगाया फलां को रे,  
रखवाला जब पकडन लाग्या,  
दियो झडाको रे, बानर बांको रे.....

राक्षसिया अडरावै सारा,  
काल आ गयो म्हाको रे,  
मुँह पर मार पड़े मुक्के री,  
फाडे बाको रे, बानर बांको रे.....

हाथ टांग तोडे,सिर फोडे,  
घट फोडे ज्यू पाको रे,  
लुक छिप कर कई घर मे घुसग्या,  
पड गयो फ्रांको रे, बानर बांको रे.....

उजडी पडी अशोका वाटिका,  
ज्यूं मारग सडकां को रे,  
उथल पुथल सब करयो बगिचो,  
बिगडयो खाको रे, बानर बांको रे.....

जाय पुकार करी रावन स्यूं,  
दिन खोटो असुरां को रे,  
कपि आय एक घुस्यो बाग में,  
गजब लडाको रे, बानर बांको रे.....

भेज्यो अक्षय कुमार भिडन नै,  
हनुमत स्यामी झांक्यो रे,  
एक लात की पडी असुर पर,  
पी गयो नाको रे, बानर बांको रे.....

धन धन रे रघुवर का प्यारा,  
अतुलित बल है थांको रे,

तु हे जग में मुकुटमणी है,  
सब भक्तां को रे, बानर बांको रे.....

स्वर : [लखबीर सिंह लक्खा](#)

<https://www.bhajanganga.com/bhajan/lyrics/id/32885/title/banar-banko-re-lanka-nagri-me>

अपने Android मोबाइल पर [BhajanGanga](#) App डाउनलोड करें और भजनों का आनंद ले |